



**Ivsti Rycqvii Canonici Gandavensis, Civis Romani, De  
Anno Secvlari Ivbileo Syntagma**

**De Rycke, Josse**

**Antverpiae, 1624**

Capvt XIII. Binis istis Peregrinationibus Tertia diuinitùs adiuncta ad Ædem Lauretanam: ea hîc meritò recensita. Admirandum illum locum & Gentibus cunctis, non vnâ ex caußâ, venerandum esse.

---

[urn:nbn:de:hbz:466:1-64507](https://nbn-resolving.de/urn:nbn:de:hbz:466:1-64507)

## C A P V T X I I I .

*Binis istis Peregrinationibus Tertia diuinatus  
adiuncta ad Ædem Lauretanam : ea  
hic meritò recensita. Admirandum illum  
locum & Gentibus cunctis, non unâ ex  
causa, venerandum esse.*



Acrum illud Romanæ Purpuræ  
columen, & Ecclesiæ Mediola-  
nensis sanctissimus Antistes C A-  
ROLVS, in eâ Epistolâ quâ Dice-  
cesanos suos omni ope ac studio,  
ad visendam Anno Seculari Urbem Sacram,  
cohortatus est, inter cætera quibus Peregrina-  
tionem illam suscepuros paternâ sollicitudine  
informat ac dirigit, hoc quoque pium ac religio-  
sum consilium iis dedit, vt, si qua in itinere illo  
Loca alia sanctitate celebria se offerrent, ad ea  
declinare orandi causâ non grauarentur. Sed  
præstat alterum illum nostri seculi AMBROSIUM  
suismet verbis id commendantem audire: *Quod  
si in ipso itinere vicini fueritis alicui Templo qua-  
dam religione celebri, quale est Templum B. M A-  
RIA E LAVRETANAE, aut aliud, etiam si paululum  
à rectâ viâ vobis divertendum foret, ac longiori etiam  
eundum; nolite perdere occasionem visitandi huius-  
modi Templo, ut ibi confiteamini, & denuo commu-  
nicetis, ad consolandum, & corroborandum vos spiri-  
tualiter in sanctâ hac peregrinatione. Quibus equi-*

F dem

dem in verbis iure mentionem facit celeberrimi illius, ac toto orbe nobilissimi, TEMPLI PARTHENII LAVRETANI: quod eò studiosius omnes ad Vrbem, Iubilei causâ, proficiscentes inuisere debent, quò magis illud cæteris omnibus in Orbe Templis, religione ac sanctimoniam præstantibus, vel æquandum nouerint, vel præferendum. Quid enim sanctius, aut religiosius, esse potest Cubiculo illo lateritio, marmoreis vndique sepimenis clauso, in quo ipse DEI FILIVS, de SPIRITU SANCTO conceptus in utero Virgineo, atque educatus, magnam puerilis ætatulæ partem exegit? in quo ipsa VIRGO ΘΕΟΤΟΚΟΣ natalem hausit spiritum, & veluti Aurora consurgens, tenebricoso Mundo Iustitia Solem paritura, materno primùm è thalamo prodiit? Meritò te, ô cubiculum beatissimum, meritò vos, ô Lares fortunati, cum elegantissimo Mureto alloquor:

Horat. Tur-  
sellin. in His.  
Lauret.

In Cagn. ad  
Virg. Lauret.

*Quenam igitur Regum sedes, quæ Templa per orbem*

*Huc se ausint conferre loco? ter, & amplius,  
omnes*

*Ante alias felix Picæni litoris ora,  
Cui Solymos spectare domi, cui munere Diuūm  
Fas calcare domi est pedibus vestigia CHRISTI!  
Munere certè Numinis incomparabili id Occi-  
denti nostro datum ut ab ipsâ usque Palæstinâ, ab altero Solis cardine, Angelicis manibus, sa-  
cra illa deueheretur in Italiam sarcina, sanctius longè ac præsentius Salutis nostræ pignus fu-  
rum, quam olim vel Troiana illa Palladia, vel Louis Cretæi fabulosum antrum, aut Tarpeia Romuli*

Romuli casa, vel quicquid superstitiosi pignoris  
ad tutelam Imperij Antiquitas habuit, vel quasi  
Numinis cuiusquam ortu nobile ad veneratio-  
nem custodiuuit. Hanc ego sacratissimi Loci  
maiestatem coram admiratus olim, simul etiam  
prodigiosae illius metamorphosis consideratione velut migrationis  
interventus effectus, inter alia, quæ Votis reus de numine ias-  
spicatus  
VIRGINE LAURETANA scribebam,  
haec cœcini:

O DIVA, gratum qua nemus Hadria  
Prefens ad vndas, finibus Italos,

Regis, beato recta cursu  
Romulae super orbe gentis;  
Tunc cum feroci compede barbaræ  
Gentes Eoas, & validus Seytha,  
Prestit merenteis; te per auras  
Siderei rapuere currus.

O quale monstrum! sedibus erutam  
Priscis, auro sed profugam solo,  
Discors Eous, & receptam  
Ausonia stupuere silua.

Te, quisquis aquor nauita proximum  
Velis gubernat, sollicito colit.

Per transtra vota: te Lacana  
Omnibus antetulit gemellis,  
Quæcumque Ponto nauis in aspero  
Deprensa fleuit: te Dominam maris  
Fractæ Latinorum carina  
Incolumes didicere nuper.

Te Sarmatarum progenies feris  
Canit sub antris: te procul agnitam  
Belga, & Britannus, in remotis  
Oceanii coluerè ripis;

*Abominati ne furiis premi  
Sinas Draconis, quem Tibi subditum  
Per vasta colla sibilanti  
Vidimus infremuisse linguā.*

Quod si cuiquam non displicerit hic impetus,  
& si tanti esse putauerit, cætera huius Poëmati-  
cis in Lyricorum nostrorum carminum fronte  
posita inueniet. Inuitabit ergo piè peregrinan-  
tem, & ad se trahet, LAVRETANAE AEDIS san-  
ctitas; inuitabit etiam cælestium beneficiorum  
magnitudo; quæ si vlo terrarum loco, illhic  
certè à Diuinâ Benignitate liberalissimè dis-  
pensantur. Corpore infirmus es? medicinam  
dabit Virgo: animo anxius? solatium & iucun-  
ditatem afferet: conscientiâ pauidus? dulcem  
suggeret in amaritudine salutari lætitiam: in pe-  
riculis constitutus? terrâ, aut mari, trepidus, ac  
pænè de salute desperans? salutem dabit M A-  
R I A, Libertatem, Vitam, ac quicquid petere  
cum fiduciâ audes, præbebit M A R I A. Et quot  
illa mortalibus iam olim, ac nuper hæc præbue-  
rit, ipsi sacri parietes donariis votiuis onusti, ip-  
sa Templi atria Tabellis *ιuxta episcopagis* circumue-  
stita, aut potius ipse Orbis vniuersus, tantorum  
benefactorum conscius, inclamat & testificatur.  
Sunt verò pij viri ac facundi, qui, ad DEI ac  
DEIPARAЕ VIRGINIS gloriam, immortali-  
bus scriptis ista prodiderunt; vt necessum non  
sit iis commemorandis prolixius inhærere; quod  
tamen in alio Carmine Votuo, penes me, te-  
stimonium est, summatim Beneficia Virginea  
perstringens, veniam fortè suâ breuitate merc-  
bitur, ac fauorem:

*Astrifera*

*Astriferæ REGINA domus genitrixq; Tonantis,  
 Innuba concepto Numinе facta Parens,  
 Quam super æthereas Superorum exercitus arces  
 Enectam æternâ laude salutat Heram;  
 Mille Tibi Ausonium radiant delubra per orbem,  
 Mille Tibi accendent thura Sabæa foci;  
 Sed LAVRETANIS Tua maxima gloria Templis,  
 PICAENAQVE micas maximus Aede fauor.  
 Id sacris fixæ muris pictaq; Tabellæ,  
 Donaq; Virgineis multa docent adytis,  
 Quam multis, pia DIVA, adsis; facilemq; vocatu  
 Seniar in trepido vir mulierq; malo:  
 Ille inter medios flammarum constituit igneis,  
 Nec potuit iussu flamma nocere Tuo:  
 Deuotafq; Tibi consecratafq; rosarum  
 In morem tantum est lambere visa comas:  
 Iste, procellosis dum naufragus errat in vndis,  
 Depinxit Voti signa secunda sui:  
 Seu fuit in præceps furibundo raptus ab amne,  
 Pertentans dubio cæca profunda solo.  
 Est quoque qui, fato Phrygium Astyanacta secutus,  
 Testatur precibus se superesse Tuis:  
 Est quoque qui, Duce Te, cacas vitasse latronum  
 Insidias potuit, terrificasq; manus:  
 Atque aliquis crudi fugiens Busiridis aras  
 Virgineam haud frustra sapè vocauit opem.  
 Viuit hic horrendū transfixus corpora ferro,  
 Atque Tibi est Vite debitor ipse suæ:  
 Ille alacri delapsus equo sine vulnere surgit,  
 Fractaq; non ullo membra dolore leuat.  
 Sed quid ego obtritosq; rotis, tauriq; ferocis  
 Cornibus excusso sidera ad alta loquar?  
 Quid referam muris appensas, VIRGO, catenas,*

Quas posuit sœuo liber ab hoste reus?  
 Quid fractos laqueos, elisaq; vincula narrem,  
 Armaque in innocuos noxia stricta viross?  
 Quid numerem Geticis ercta Tropea maniplis,  
 Fixaq; ad angustum barbara signa ibolum,  
 Dum MARIAE auspicio se vincere credidit hostem  
 Martia, sed Marti non bene fisa, cohors?  
 Quid? quam multa tuo Mater sit munere facta,  
 Cui gemere in sterili contigit ante ihora?  
 Quid morbi genus omne, luemq;, febresq;, malignas,  
 Vincere quas medicae non potuerer manus,  
 Auxilio victas tanto, pulsasq; clientum  
 Corporibus, vacuas non habuisse preces?  
 Quid memorem triplicis damnatas pollice fusi,  
 Ex Erebo, iussas sepè redire animas,  
 Nequicquam nigrâ circumfrendente caterua;  
 Nequicquam infernâ multa mouentie Styge?  
 Omnia Naturæ sanctas superantia leges,  
 Omnia victuro digna furore canit?  
 Dignissima certè æternis Ingeniis in ETERNA  
 VIRGINIE materia, & iam nobiles aliquot Mu-  
 sarum πιστοφόροις laudabiliter hanc operam præ-  
 stiterunt. Optem sanè esse, & optauit diu, qui  
 tot Rosas, Lilia, Violas in fertum unum com-  
 pingat, & LAURETANAE VIRGINI consecret  
 suauius longè spiraturum quam vel odorati Ci-  
 liciæ nimbi, aut fragrantes Arabū messes, Thea-  
 tris effusæ; vel omnia Assyriæ mercis cinna-  
 ma in Phoenicis vnius pyram constipata. Quis  
 igitur ille tam ignauus erit, ac vecors, qui Sacra-  
 tissimi loci vel maiestate, vel beneficentiâ, non  
 commotus (si facile potest, immò si ullâ ratione  
 potest) non accurret illico ad tantum præsi-  
 dium?

*designerit.*

dium? non sibi propitiam VIRGINEM, non fa-  
uentem VIRGINIS FILIVM, in hoc terrestri  
vti cælo, reddere conabitur? Quis etiam non  
putet hanc sibi diuinitùs velut legem impositam  
vt IVBILEVM aditurus LAURETVM declinet,  
cùm eodem serè tempore & IVBILEVM solen-  
niter indictum sit à BONIFACIO IIX. & Lau-  
retana cellula in Italiam delata? Euoluite An-  
nales, perquirite testes, & veritatem huius rei  
compertam habebitis. Parum itaque mihi feci-  
se videbitur qui, cùm liceat, LAURETVM non  
adibit. immò non omnia mihi fecisse videbitur  
qui, etiam cùm non liceat, LAURETANAM Vi-  
GINEM de itinere non salutârit.

## C A P V T X I V .

*Quinam Pontifices, & quando, IVBI-  
LEVM celebrârint. BONIFACII VIII.  
Solemne maximum fuisse: eius de FLO-  
RENTINA R. P. vaticinium. D. AN-  
TONINI de Pontifice isto iudicium.  
CLEMENTIS & VRBANI SEXTOR.  
circatempus IVBILEI decreta. Numeri  
L. & XXXIII. dignitas indicata.*



Iicut Græcis ante tempora Olym-  
piadis Iphitæx Temporum ratio  
obscura fuit, atque inde æuum  
illud fluxit quod *soginxo*, appellâ-  
runt, à maiore rerum gestarum

F 4

certi-

M. Favro  
apud Censor  
ris.